



# SANBIS BLO VOLKENO

## AFTA


**CLEANEM GUD** ruf blo haos blo yu blo l no mas foldaon long drae seasen. Watj aot hemi denjeres mo yu save foldaon. Long wet seasen, ren l save wasem aot sanbis



**FILTAREM GUD** wota blo yu wetem wan clin kaleko long drae seasen o taem yu shot long wota mo mas wait se sanbis l ko daon lo kantena bifo yu drik spos hemi klaodi.




**WASEM AOT** sanbis lo ol frut mo vegetebol bifo yu kakae o kukum.




## BIFO


**KAVREMAP GUD** wota tank mo well blo mekem sua se sanbis l no foldaon insaet lo wota.



**KAREM INAF SAPLAE** olsem faea-wud, kakae, meresin, mo wota.




**LISEN GUD** lo radio o televisen blo yu blong karem ol Alet mo nformesen we ol otoriti oli stap kivim aot.



## TAEM


**STAP INSAET LO HAOS** sarem ol windo ol klos kasem taem we sanbis l stop blo foldaon. Yu watj aot lo ruf blo haos, hemi save foldaon spos sanbis l tick ( > 10 cm long ol lokol ruf )




wan **KAIKO** Blokem nose mo maot blo yu wetem wan



sandis. mekem se sanbis l no afektem olgeta speseli nose mo maot



## STONE BLO VOLKENO



Stone blo volkeno hemi ol blok blo hot lava we ol maot blo volkeno oli stap sakem aot.

**STAP LONGWE** lo maot blo volkeno long taem blong irapsen.

**MUV I GO LONGWE** sipos stone stap kam kolosap lo yu o vilej blo yu.

## AMBRYM




Il gat two maot blong volkeno long Ambrym : Benbow mo Marum. Tufala maot ia l stap sakem plenti kas mo oli save mekem konkon ren o acid ren. Ol konkon ren ia oli save spolem ol kakae blong graon, helt blo man mo wota. Lava flo mo klaod blong sanbis oli kam aot oltaem long tufala maot blong volkeno. Yu mas save gud lo ol jenis blo aktiviti blo volkeno blong Ambrym olsem shape, noise, klaod stim blo hem o ol etwek.

Ripotem ol thing we yu obsevesen lo ol lokol otoriti.

# KAED LAEN BLONG SURVIVE LONG VOLKENO

## Ambrym




## KONKON REN MO KAS BLO VOLKENO

Volkeno I stap sakem aot plenti kas lo air we oli denjeres blo yu britim. Mix blo ol kas ia wetem ren I save mekem konkon ren. Konkon ren ia I save spolem o kilim ol kakae lo Karen. Yu save se “acid ren” o “konkon ren” hemi test konkon mo hemi mekem hae blo yu I sore. Folem ol instruksen insaet lo kaed laen ia blo sevem yu mo famili blo yu.




## KONKON REN

### BIFO



**KAVREMAP GUD** ol wota tank/well blo mekem sua se konkon ren I no foldaon insaet lo wota. Redi blo diskonektem ruf long ol tank/well



**KOLEKTEM INAF SAPLAE** olsem faeawud, kakae, meresin, mo klin wota.

### TAEM



**STAP INSAET LO HAOS** kasem taem we ren I stop. Spos yu filim ren I mekem hae I sore (hemi konkon ren) mo yu nogat “first flash system” yu mas diskonektem ariap ruf long ren wota tank/well

### AFTA



**WASEM GUD** ol frut mo vegetebol bifo yu kakai o kukum.



**NO DRINK** wota long tank/well spos hemi test o smel nogud, o hemi klaodi be usum long nara something (no kukum rice wetem).

## KAS BLO VOLKENO


### TAEM



**STAP INSAET LO HAOS** spos yu gat problem blo brit.



**KLOSEM** ol windo mo doa mo blokem gud ol hol wetem ol klos.




**LISEN GUD** lo ol nius we ol otoriti oli kivim aot lo radio o televisen mo livim vilej blong yu spos kas I smel stronk tumas.

### AFTA

Bae I save gat **KONKON REN** samtaem - hemi save mekem hae blong yu I sore

## HOT FLO BLO SANBIS




Ol hot flo blong sanbis long taem blong ol bigfala irapsen oli mov ariap – olsem wan plane! Hemi hot tumas mo save bonem ol thing we oli stap lo road blo hem.

**NO STAP KOLOSAP** lo volkeno

**NO MAS STAP KOLOSAP LO OL VALEI** mo watj aot long ol hot flo blong sanbis .

## LANDLSAET MO FLO BLO SOFMAT




Ol bigafala irapsen o ol evi ren oli save mekem landslaet mo ol flo blo sofmat we oli save mov ariap mo distroem ol thing lo road blo ol.

**NO MAS STAP KOLOSAP LO OL VALEI** move I go lo ol hae graon.

**LISEN** lo ol noise blo ol floa blo sofmat mo tu lo ol ofisiol Alet we radio I stap kivim aot mo avoedem ol eria blong hae risk oltaem blong laef sefti.

## LAVA FLO



Ol lava flo hemi ol hot riva blo stone. Oli ron slo mo u gat taem blo ronwe lo hem.

**STAP LONGWE** lo ol lava flo.

**PRIPARE** blo move wetem famili blo yu taem lava flo I kam kolosap lo vilej blo yu.

**LAVA FLO** hemi no save kasem ol vilej unless I gat wan maot I open long side